



# REBOLUSYONARYO A PAGIWARNAK TI UMILI ITI AMIANAN-LAUD A LUZON **DANGADANG**

Espesyal nga Isyu 2020

Tawen 34 Bilang 1

P10.00

IPASA NO MABASA



## **OPLAN KAPANATAGAN**

### **Baro a Nagan ti Kontra-Umili a Gubat**

#### **Panglukat**

**I**ti las-ud ti nasurok tallo a tawen a panagturay ni Duterte, kimmáro ti kinaranggas ken panangidadanes iti umili. Inusar na ti gubat kontra-droga weno Oplan Tokhang tapno pukawen dagiti kakumpitensya da iti negosyo ti droga ken parimbawen ti kultura ti nawaya a panagpatay. Kasta met a nausar kas rason ti pangta ti terorismo tapno nanggas a pulbusen ti Marawi ken parimbawen ti bileg militar babaen iti Martial Law iti intero a Mindanao. Awan pay ti nasurok makatawen iti turay, impakita na ti pudno a panggep na a kontra-umili a gubat. Nagsasaruno a nairuar dagiti mandar, linteg ken programa kontra iti rebolusyonaryo a tignayan. Maibilang ditoy ti Memorandum Order 32 a nangideklara ti ‘state of lawlessness’ iti Samar, Negros ken Bicol; ti Executive Order 374 a nangideklara a

terorista ti CPP-NPA ken ti kaudian ket ti Executive Order 70 a nangbukel iti National Task Force to End Local Communist Armed Conflict (NTF-ELCAC). Kagiddan daytoy ti panangiduron kadagiti manangallilaw a taktika a kas iti “localized peace talks,” “surrender” campaign ken dadduma pay. Tapno ipatungpal ti gubat a kontra-insurhensiya, nabukel ti Internal Security Operation (ISO) a naawagan nga Oplan Kapayapaan idi immuna a tallo a tawen ken ti Oplan Kapanatagan para iti maudi a paset ti panagturay ni Duterte.

Iti pannakaipatungpal dagitoy nga Internal Security Operations (ISO), kimmáro ti terorismo ti estado iti intero a pagilian. Imbes a sungbatan dagiti kiddaw ti umili para iti pudno a reporma iti daga, nailian nga industriyalisasyon ken panggimong a hustisya,

inbulos ti rehimen ti sibubukel a pigsa ti estado kontra iti umili.

Awan sabali a turongen ti Oplan Kapanatagan ni Duterte no di pannakapaay, gapu iti galad na daytoy a PASISTA ken

## Ti whole-of-nation approach

Naadaw ti whole-of-the-nation approach (WONA) manipud iti US Counter-Insurgency Guide nga inruar ti US State Department idi 2009. Daytoy ti panangpatignay iti amin nga ahensya, lokal a guberno ken pribado nga organisasyon a katinnulong ti militar kontra iti rebolusyonaryo a pannakidangadang ti umili. Nakabasar daytoy iti panggep a pagtalinaeden ti panagturay ken pananggundaway ti imperyalismo nga US iti amin a marigrigat nga umili. Immuna a naawagan daytoy kas whole-of-government approach idi naiyaplikar idiy Afghanistan.

Iti Pilipinas, naiyaplikar ti WONA idi panawen ti rehimen a US-Arroyo babaen iti maawagan a strategicholistic approach iti uneg ti Oplan Bantay Laya. Idi 2011 a tiempo ti rehimen a US-Noynoy Aquino a naawagan a whole-of-nation approach (WONA) iti uneg ti Oplan Bayanihan. Ngem idi 2017, inakseptar ti AFP a napaay ti Oplan

TRAYDOR a gubat a kontra-umili. Manipud idi panawen ti diktadura a Marcos, napaay amin nga Oplan a kontra-insurhensiya ti nagsasaruno a rehimen gapu ta nalawag a dagitoy ket kontra-umili.

Bayanihan gapu ta saan kano a nakitinnulong ti dadduma a local government unit (LGU) iti programa isunga ti solusyon da ket ti panangpairut iti tengngel iti burukrasya tapno sibubukel a mausar daytoy para iti kontra-insurhensiya.

Iti esensya, ti aplikasyon ti WONA ket ti panangparimbaw iti turay ti militar no iti panagturay ti sibilyan. Ti militar ti mangimaton iti turay ti sibilyan agraman ti pondo daytoy. Babaen daytoy, amin a plano ken programa dagiti line agencies ken lokal a guberno ket maiturong para iti kontra-insurhensiya a gubat ti rehimen. Iti panggep a pagtalinaeden ti paborable a kasasaad para iti ad-adda a pananggagam dagiti kumpanya ti gangannaet nga imperyalista ken lokal a kapitalista, kangrunaan a target ti rehimen iti opensiba militar ken saywar ti CPP, NPA ken NDFP, ti kapingetan a puersa a lumablabaen iti agdama a bulok a sistema. Ngem iti aktual, daytoy ket gubat laban iti intero nga umili. Kaaduan kadagiti biktima ti armado nga aksyon ken saywar ket ti umili a masuspetsa a sumupporta wenno kameng dagiti rebolusyonaryo nga organisasyon.

Ti nabukel a National Task Force To End the Local Communist Armed Conflict (NTF-

Ad-adda ketdi nga agap-apit da iti nakaro a pungtot ken panaglaban ti umili gapu iti karkaro a kinarigat ti biag ken ranggas a maiyab-ablat kadakuada.



ELCAC) nga idadauloan mismo ni Duterte ket isu ti makinarya a mangimplementar iti WONA. Iti baba ti NTF-ELCAC, nabukel met dagiti kabatog nga istruktura manipud iti tukad rehiyunal inggana iti tukad barangay tapno maisigurado a maipatungpal dagiti plano ken mandar na daytoy. Idi June 7, 2019, nabukel ti Region 1 Regional Task Force (RTF)-ELCAC. Idi June 15, 2019, nabukel met ti CAR RTF-ELCAC.

Babaen iti NTF-ELCAC, sibubukel a tengtenglen ni Duterte ken ti militar ti amin a sangay ti guberno – ti burukrasya, hudikatura ken lehislatibo tapno iyablat ti pasista nga awtoridad iti umili. Naaramid ni Duterte daytoy babaen iti panangipuesto iti nasurok 69 a retirado a heneral ken dadduma pay nga opisyal militar iti kabinete ken kadagiti estratehiko a posisyon

### LINAON

- I. Ti whole of nation approach
- II. Partikular a ramen ti WONA
- III. Mapaay ti Oplan Kapanatagan
- IV. Labanan ti Oplan Kapanatagan

iti ahensya ti gubyrno. Dagiti nadutokan kas Cabinet Official for Regional Development (CORD) ket dagiti napeklan a pasista nga opisyal a da National Security Adviser Hermogenes Esperon para iti Region 1 ken Office of the Presidential Adviser for Peace Process (OPAPP) Secretary Carlito Galvez para iti CAR tapno siguraduen ti implementasyon dagiti programa ti NTF-ELCAC manipud tukad rehiyon inggana kadagiti barangay. Para kadagiti estratehiko a pang-ekonomiya nga interes ti rehimen ken dagiti amo na nga imperyalismo a US ken China iti rehiyon, kasapulan a nairut a tengngelen dagitoy nga opisyal ti kabinete dagiti naitakder a rehiyonal a task force.

Puersado a naipauneg dagiti opisyal ti lokal a gubyrno kadagiti nabukel a task force. Mapilitan dagiti

local government unit (LGU) a tumungpal iti mandar ti DILG a mangisayangkat kadagiti martsa ken rally a kontra-NPA, mangiruar kadagiti persona non grata declarations ken dadduma pay a kontra-umili nga addang. Mapangtaan, maharas, maakusaran wenno mapilaan iti parparbo a kaso dagiti saan nga agtungpal.

Ti NTF-ELCAC ti mapangeddeng no kasano a mausar ti pondo ken rekursu ti reaksyunaryo a gubyrno tapno pormeken ti rebolusyonaryo a panaglapan ti umili. Maobligan dagiti LGU a pondoan dagiti agtutuon nga aktibidad dagiti task force. Ad-adda a mapaidaman ti umili kadagiti kinakasapulan a serbisyo gapu iti panangiprayoritisa iti gastos para kadagiti aktibidad dagitoy a task force. Iti maysa a bangir, nayon a pagkurakotan ti

nangatngato nga opisyal ti AFP-PNP ti pondo manipud kadagiti line agencies ken lokal a gubyrno.

Babaen iti NTF-ELCAC, maimanehar ti triad operations - ti kumbinasyon ti combat, CMO-Psy-ops ken intel nga operasyon. Napairteng ti saklaw, koordinasyon ken panagtittinnulong dagiti reaksyunaryo nga armado a pwersa (AFP-PNP-CAFGU) ken ti lokal a burukrasya iti panangisayangkat ti sustinido, darup ken focused combat operations kadagiti lugar a suspetsaen ti AFP-PNP a napigsa ti impluwensya ken base ti CPP-NPA. Nakapauneg met laeng ditoy ti panangisayangkat ti sustinido ken nasaknap a propaganda ken saywar tapno padaksen ken isina ti CPP-NPA iti umili ken tapno allilawen ken butbutngen ida.

## Partikular a ramen ti Whole of Nation Approach



Ti Focused Military Op-

erations (FMO) a ramen ti Oplan Kapanatagan ket naidisenyo tapno pormeken dagiti rebolusyonaryo a puersa iti maysa a depinido a lugar. Pareho a panggep da a pormeken ket ti puersa ti CPP-NPA ken ti ligal-demokratiko a tignayan ti umili iti kaawayan ken kadagiti sentro ken syudad a saklaw ti operasyon da. Inawagan da a Focused gapu ta ikonsentra da iti maysa wenno sumagmamano a larangan a gerilya (sakop ti maysa wenno mano a probinsya) ti saan a nabababa a dua a batalyon a puersa ti AFP ken PNP. Maibi-


lang ditoy dagiti puersa iti paniktik, dagiti puersa ti Civil Military Operation (CMO) ken dagiti special forces ken strike forces ti AFP ken PNP.

Babaen iti FMO, nair-irteng a maipakat ti TRIAD nga operasyon - ti Intelligence, Civil Military Operation - Psychological Operation (CMO-Psy-ops) ken Combat Operation.

Dagiti pakpakatan da ti FMO ket dagiti lugar no sadino ket adda dagiti dadakkel nga interes dagiti imperyalista ken dagiti lokal nga agar-ari a dasig. Iti Ifugao,

manarimaan ti iseserrek ti Al-imit Hydropower Plant ken ti Tinoc Hydropower Project nga isu ti adda iti li-

kudan dagiti operasyon nga inpakat ti 5th ID ken PNP idi 2018 inggana iti umuna a paset ti 2019. Iti Mountain Province, ti FMO a naisayangkat idi maudi a paset ti 2019 ket



nakaturong iti panggep a paulimeken ti panagsuppiat ti umili kadagiti proyekto iti minas ken enerhiya a maiyimplementar ken madaman nga agan-andar. Maibilang ditoy ti 14-megawatt hydropower plant ti HEDCOR Renewables Inc. a nanggamrud iti ansentral a daga ken danum ti umili kadagiti munisipyo ti Bauko ken Sabangan, aplikasyon iti pangaminas ti Cordillera Exploration Co. Inc. (CEXCI) a mangsaklaw kadagiti munisipyo ti Bauko, Besao, Bontoc, Sabangan, Sadanga, Sagada, Tadian iti Mt. Province; munisipyo ti Luba iti Abra; Bakun, Buguias ken Mankayan iti Benguet; Tinoc iti Ifugao; ken Suyo, Sigay, Cervantes, Quirino, Del Pilar ken San Emilio iti Ilocos Sur. Iti met Ilocos Sur, tuloy-tuloy ti FMO manipud maudi a kuarto ti 2018 inggana iti agdama, a nakapokus kadagiti munisipyo ti Sta. Cruz, Salcedo ken Sta. Lucia nga ayan ti Gregorio Del Pilar Water Impounding Project wenno Salcedo Dam a napinget a sinuppiat ti umili, kasta met a tapno salakniban ti interes ti dadakkel a kumpa-

nya a buyer ti tabako a palalo a manggundaway iti umili a mannalon. Iti Kalinga, tuloy-tuloy ti operasyon militar kadagiti munisipyo ti Lubuagan, Pasil, Balbalan ken Pinukpuk gapu iti madama a panangitakder kadagiti dadakkel a proyekto a kas iti Chico River Pump Irrigation Project, Chevron-Aragorn-GMC Geothermal Project ken dagiti naiplano a dam projects iti intero a probinsya.

Dagiti dadduma a lugar a saan a sakop dagiti FMO ket maipakpakat met laeng ti TRIAD nga operasyon ngem ti pakaidumaan na ket ti kadakkel ti puersa a naipakat ken partikular a dagsen ti implementasyon da ti TRIAD operation. Iti dadduma a lugar, nalatlatak a nakarimbaw dagiti dadduma nga aspeto ti TRIAD a kas iti CMO-Psy-ops ken paniktik ken pana-panawen a maisayangkat dagiti presiso nga operasyon a kombat.

### **a. Combat Operations**

Kadagiti lugar a mapakpakatan ti FMO, nair-irteng ti maipakat a combat opera-

tions. Dagiti tropa ti AFP-PNP nga agoperasyon ket addaan ti kasuporta iti tangatang (ere) a kas ti drone, recon plane, bomber plane ken helicopter a para iti suporta iti kombat ken suporta iti supply, panangiyyakar ti puersa ken panangala kadagiti kaswalti da. Malaksid iti suporta iti tangatang, adda met dagiti suporta da nga artileriya (howitzer ken mortar).

Iti nasurok uppat a bulan nga operasyon ti agarup dua a batalyon manipud ti 50th IB, 54th IB, 81st IB, 24th IB, RMF, PMF ken SAF kadagiti munisipyo ti Besao, Sagada, Bontoc, ken Tubo manipud Setyembre inggana Disyembre 2019, nasagrap ti umili ti nakaro a kinaranggas ken abuso. Maibilang kadagitoyn nga abuso ti panangiparit iti umili nga umaway, panangimporsar ti curfew hour, istraping iti lawlaw ti bakir ken igid ti il-ili, iti kabambantayan, katalalonan ken garden, iligal a panangtiliw ken panangarestar, ken dadduma pay. Idi Oktubre 2019, 15 a mannalon ken gardinero a residente ti Sagada ti iligal a tiniliw ti 50th IB idiy Ampakaw, Sagada. Iti Ifugao, nalatak ti rekord ti 54th IB iti panagtakaw, ranggas ken panagrames ti babbai. Iti Ilocos Sur, adu dagiti kaso ti indiscriminate

### **Kinaranggas ti Oplan Kapanatagan Dagiti Panaglalsing iti Karbengan Tao iti Umuna a Paset ti 2019**



**EKSTRAHUDISYAL  
A PANANGPATAY**

**250**

**ILIGAL A  
PANAGARESTAR**

**1,831**

**PANAGBOMBA**

**369,688**

**PANAGPANGTA  
ken INTIMIDASYON**

**87,437**

**OKUPASYON TI  
KOMUNIDAD**

**42,823**

firing, panagarestar, panangbutbuteng, puersado a panangpagayd kadagiti operasyon ken panangbugbog iti sibilyan iti Salcedo, Sta. Cruz, Galimuyod ken Gregorio del Pilar.

### **b. Civil Military Operation – Psychological Operation (CMO-Psy-ops)**

1) *Tuloy-tuloy a panangipakat kadagiti Peace and Development Team (PDT) nga aw-awagan da itatta iti Retailed Community Support Program Team (RCSPT) Operations*

Ti RCSPT ket napabaro laeng a nagan dagiti dati a naipakpakat a Community Support Program Team (CSPT) ti Oplan Kapayapaan, Peace and Development Teams (PDT) idi tiempo ti Oplan Bayanihan ti rehimen nga Aquino, Special Operation Teams (SOT) ken Reengineered Special Operations Team (RSOT) idi tiempo ti Oplan Bantay Laya ti rehimen ni Arroyo. Naipauneg ti RCSPT iti balangkas ti WONA.

Ti RCSPT operations ket dagiti operasyon militar ti AFP-PNP a kangrunaan a nakapokus iti umili a masuspetsa a base a masa ti rebolusyonaryo a tignayan. Dagitoy ket nairut a mangkomkombina kadagiti taktika ti saywar ken pananglipit. Dagiti target a barangay a pangirussuatan ti RCSPT ket inkeddeng ti NTF-ELCAC a Focused Geographic Areas. Ti panangitudo kadagiti barangay ket nakabasar iti naurnong a datos-paniktik ti kabusor.

Kas met laeng iti RSOT ken PDT, panggep dagiti RCSPT a buraken dagiti Sangay ti Par-

tido iti Lokalidad (SPL), mili-syang bayan (MB), dagiti rebolusyonaryo ken ligal nga organisasyon ti umili ken ti urnos da; ken iti bangir na, ti panangitakder met kadagiti kontra-rebolusyonaryo nga organisasyon, panagrekruit iti CAFGU ken ti panangimula kadagiti ahente ti paniktik iti uneg ti baryo.

Basar iti inruar ti DILG a Memorandum Circular 2019-169 idi Oktubre 2019, maobligada dagiti LGU nga aktibo a sumuporta ken mangpondo kadagiti aktibidad ken programa ti RCSPT.

Iti Cordillera, 61 a baryo ti natudo kas prayoridad nga erya ti NTF-ELCAC, a pangipakatan met laeng kadagiti RCSPT operations. Ti panangipakat ti RCSPT operations kadagiti komunidad ket mangpataud ti buteng iti intar ti umili tapno iyadayo ti atensyon da kadagiti basaran a problema da, tenglen ti panunot ken buraken ti pangngeddeng da a lumaban ken agrebolusyon. Iti taktika ti kabusor a nakaturong kadagiti nailian a minority nga aw-awagan da nga IP-centric approach, usaren ken killoen ti AFP-PNP dagiti ugali ken tradisyon kas iti bodong tapno buraken ti pangngeddeng ti umili a lumaban, agpasuko ken mangiwaras ti intriga iti intar ti umili.

### 2) *Kampanya a panagpasurender*

Iti interoapagilian, kaaduan kadagiti makuna a 'surenderi' ket sibilyan a biktima ti pananglipit, pamutbuteng ken panangallilaw. Nainayon ditoy dagiti 'recycled' wenna

namin-ano a daras a nag-“surrender.” Kastoy met laeng ti kasasaad ti mayorya kadagiti dumanon iti 300 katao nga inparang ti militar ken pulis a 'surrenderee' iti Ilocos ken Cordillera.

Ti masansan a mapasasamak ket sibubukel a bumaryo ti iparparang da a nagsurrender. Paayaban dagiti militar ti umili iti maysa a miting, ipalista ti attendance da, pagsapataen isuda a napudno iti gubyrno ken kagiddan a malitratoan da. Kabigatan na ket naipastaren kadagiti pagiwarnak a nagsurrender da amin kas supporter ti NPA. Idi Pebrero 16, 2020, dagiti residente ti Barangay Gulpeng, Pinili, Ilocos Norte a pakairamanan dagiti menor de edad ket pilit a pinapirma dagiti kameng ti 81st IB kadagiti dokumento a mangibagbaga nga isuda ket NPA a nagsurrender iti maysa a pamiting no sadino nga inakusaran ti militar a ti organisasyon dagiti mannalon iti nasao a baryo ket addaan silpo iti NPA.

Kinaagpayso na, ti



kampanya a panagpasurender babaen iti Enhanced Comprehensive Local Integration Program (E-CLIP) ket dakkel a paggatgatasan dagiti nangato nga opisyal ti AFP ken PNP, DSWD, OPAPP ken dadduma a lokal nga opisyaales. Segun iti pablaak ti Nona del Rosario Command (NDRC), probinsyal a komand ti NPA iti Ifugao, agarup P7 milyon ti kinurakot ti 54th IB manipud 2017 inggana 2019 a naggapu iti makuna a 'gungguna' nga awaten koma ti nasurok 100 a sibilyan a binutbuteng da tapno mapilitan nga agsurender kas kameng ti NPA iti probinsya ti Ifugao. Mapaungar manen dagiti nabayag a nabulok nga organisasyon dagiti 'Rebel Returnees' tapno nayon a pagkurakotan dagiti opisyal ken dadaulo kadagitoy, kas iti Abra, Kalinga ken Mt. Province.

Komon ti kapadasan kadagiti napilit a nagsurender a dagiti naikari a kuarta nga awaten da ket saan a sibubukel a naited. Saan nga agpayso a ti maikarkari a P65,000 ken nayon pay a P50,000 kada armas a maisurrender wenna maisuro nga arsenal ti NPA ket sibubukel a naawat dagiti nagsurender. Adda ti sumagmamano a 'surrenderee' nga inusar da kas showcase iti media ken pangawis iti kampanya a surrender a naikkan ti P65,000, kas kenni Jobert 'Iyong' Bocalles iti Ifugao nga itattan ket nagbalin a kontra-umili. Ti kaaduan ket P2,000 inggana P5,000 laeng ti naawat da. Ti nakaro pay, iti dadduma a kaso ket saggaysa laeng a kaban a bagas ken sukat ti plete ti naawat da, kas iti napasamak kadagiti taga-

Asipulo, Ifugao a napan iti HQ ti 5th ID idiay Gamu, Isabela tapno maipresentar kenni Duterte kas 'surrenderee'. Nailinya da a nagtugaw iti agsinnumbangir ni Duterte ken napaiggeman ti saggaysa nga M16 tapno malitratoan ken maiparang iti media kas 'surrenderee'. Uray dagiti napilitan a nangisurender kadagiti riple a pang-anup gapu iti kari a P50,000 ket awan met laeng ti naala da.

Dakdakkel ti makurakot no ad-adu ti maiparang a nagsurrender. Isunga adu ti 'recycled surrenderee'. Iti Sallapadan, Abra, nairaman kadagiti 10 a sibilyan a pilit a napasurrender ti maysa a lakay nga agtawen ti 81 a naakusaran kas kameng ti milisyang bayan (MB). Dimmanon payen iti punto a mangdukot da kadagiti sibilyan, kas iti napasamak iti Kalinga idi Oktubre 24, 2019 no sadino ket uppat a babbaket manipud iti Brgy. Buaya, Balbalan ti pilit nga inala ti PNP nga inbalud iti Camp Duyan, headquarters ti PNP iti Tabuk. Kalpasan ti makalawas, naiparang da kas 'nagsurender a NPA.'

Tapno laeng adda maiyulat nga 'accomplishment,' uray dagiti CAFGU ket maiparang kas 'nagsurender a NPA', kasukat ti naikari a kuarta, kas iti panagsurrender ti 2 a CAFGU iti Brgy. Allaguia, Pinukpuk, Kalinga idi Hunyo 2018, ken iti Barangay Western Uma, Lubuagan idi Setyembre 2016.

Maysa kadagiti masansan a pamutbuteng kadagiti masuspetsa a kameng ti NPA wenna masuspetsa a

suporter ti NPA ket mawaswas laeng ti parparbo a kaso da no agsurender da. Inuulbod ti kastoy a pangta ta iti kinapudno na, korte ti mangwaswas iti maysa a kaso, saan ketdi a ti militar wenna pulis. Adun ti kaso dagiti surrenderee a naibalud latta gapu ta adda kaso da iti korte.

Us-usaren pay ti AFP-PNP dagiti nagtraydor tapno butbutnngen ti umili, agpataud ti intriga, agtudo kadagiti imbak ken agguide kadagiti operasyon, kas kada Danny 'Tapao' Asbucan, Jobert 'Iyong' Bocalles ken Alex 'Diwa/Axle' Tongdo.

### 3) Pammarang a panangipa tungpal ti proyekto kadagiti masuspetsa a 'base ti NPA'

Babaen iti RTF-ELCAC, idiktat ti AFP kadagiti line agencies ken lokal a gubyrno a dagiti baryo a natudo da a pokus ti operasyon ti prayoridad a pangipatungpalaan kadagiti pammarang a proyekto ken pondo. Ngem naidisenyo a dagiti LGU wenna line agencies ti mangpondo iti aktibidad dagiti task forces. Iti Kalinga, ti 11 milyon a pondo para kadagiti proyekto a kas iti kiskisan, dapilan ken kuliglig a maipan iti 13 a baryo a masuspetsa nga impluwensiyado ti NPA ket naggapu iti pondo ti Integrated National Resource Management Program (INREMP) ti DENR. Mismo a ti agdama a dadaulo ti Regional Development Council (RDC)-Cordillera a ni Abra Gov. Joy Bernos ket nagriri gapu ta saan da ammo ti pangalaan ti pondo para kadagitoy a proyekto. Adda pay dagiti ahensya ti gubyrno a nangiyebkas ti panangsuppiat ditoy kas iti





Adda pay dagiti ahensya ti gubyrno a nangiyebkas ti panangsuppiat ditoy kas iti inpablaak ti Regional Director ti Department of Public Works and Highways (DPWH)-Cordillera idi Disyembre 9, 2019.

Iti kinabassit ti Internal Revenue Allotment (IRA) dagiti LGU, saan laeng a maawanan dagiti umili iti pondo. Ad-adda a kumaro ti korapsyon kadagiti ahensya ken LGU ta adu ti makissayan ken maiyakar a pondo imbes a mausar para kadagiti pagimbagan ti umili.

4) *Persona non grata declarations, panangisayangkat kadagiti martsa ken rally laban iti CPP-NPA ken dadduma pay nga aktibidad*

Direktiba mismo ni DILG Secretary Retired General Eduardo Año a mangaramid dagiti LGU ti deklarasyon a persona non grata kontra iti CPP-NPA, kagiddan ti pamutbuteng ti AFP ken PNP. Ti mismo a DILG ken AFP ti nangisagana iti *template* wenna wagastipannakaisurat dagitoy a deklarasyon isu nga agpapada ti linaon ken porma ti pannakaisurat na. Iti Ilocos ken Cordillera, nagrugi a nangiruar dagiti lokal a gubyrno manipud probinsyal inggana munisipal a tukad kadagitoy a deklarasyon idi Marso 2019. Uray dagiti naaramid a martsa-rally tapno padaksen ti CPP ken NPA ket mandar ti DILG. Dagiti LGU a saan a tumungpal kadagiti mandar da ket mapangtaan a makasoan kas sumupsuporta iti CPP-NPA, maikkat iti posisyon wenna matantan ti pannakaited ti IRA da.

Buteng ken danag iti

<b>PAGKUARTAAN LAENG DAYTA</b>	
<b>Badyet para iti pasismo</b>	
<b>Kissay iti sosyal a serbisyo</b>	
	<b>P48.766 Bilyon</b> Badyet para iti E-CLIP (2019) (Enhanced Comprehensive Local Integration Program)
	<b>P250 Milyon</b> Nayon a badyet ti DILG Para iti "pabalay" kadagiti surenderi ken suporta kadagiti maseknan a yunit ti AFP-PNP a mangtengngel kadagiti surenderi
	<b>P21 Bilyon</b> Badyet ti Office of the Presidential Adviser for the Peace Process (OPAPP)
	<b>P21,000</b> Maikkissay iti reintegration assistance a maawat ti tunggal indibidwal a surenderi ken maited iti yunit ti PNP wenna LGU a nangiproseso ti surender
	<b>P11.6 Bilyon</b> Naikkissay iti pondo ti Commission on Higher Education (CHED)
	<b>P7.1 Bilyon</b> Naikkissay iti pondo para iti implementasyon ti Free Tuition Law
	<b>P3.7 Bilyon</b> Naikkissay iti pondo para iti Student Financial Assistance Program
	<b>P10 Bilyon</b> Naikkissay iti badyet ti Department of Health (DOH)
	<b>P11 Bilyon</b> Naikkissay iti badyet para iti kalamidad

seguridad ti gapu a napilitan a nagpirma dagiti LGU iti deklarasyon a persona non grata. Opisyal ti militar ken PNP ti nakaabay ken mismo mangipapirma iti naaramiden a deklarasyon-resolusyon. Iti pasamak ti Abra, ti opisyal ti 24th IB kakuyog ni Gov. Joy Bernos ken kameng ti Provincial Peace and Order Council ti nangpaayab kadagiti lokal nga opisyal tapno piliten a pagpirmaen iti deklarasyon a persona non grata.

Uray napilitan a nagpirma dagiti lokal nga opisyal iti deklarasyon, siaammo da a narigat a maipatungpal daytoy gapu ta daytoy ket saan a resulta ti panagkaykaysa ti umili. Nalawag iti dinalan ti pakasaritaan a rimmamut ken inarakup ti umili ti NPA gapu iti inpakita na a landok a disiplina ken napudno a panagserbi iti umili -- panangisakit ken panangilaban iti pagimbagan ken kiddaw ti umili. Gapu iti daytoy, adu dagiti annak, kakabsat ken kakailian a simrek iti NPA.

5) *Panagisaknap ti fake news (parbo a damag) ken dadduma pay a dis-impormasyon*

Maipaspasaknap iti media (telebisyon, dyaryo Maipaspasaknap iti media (telebisyon, dyaryo ken radyo) ken social media (Facebook, Twitter ken dadduma pay) ti nadumaduma a dis-impormasyon kontra iti rebolusyonaryo a tignayan, kontra kadagiti progresibo nga organisasyon ti umili, oposisyon ken amin a kritiko ti rehimen. Iti uneg ti NTF-ELCAC, kangrunaan nga imanmanehar ti Presidential Communications Operations Office (PCOO) ti lalaunen dagiti mairuar nga ulbod ken dakes a propaganda kontra iti rebolusyonaryo a tignayan. Aglaylayus ti propaganda ti Philippine Information Agency (PIA), Philippine News Agency (PNA), AFP-PNP, OPAPP ken dadduma pay nga ahensya tapno ikondisyon ti panunot ti umili nga akseptaren ken suportaran ti pasismo laban

iti tignayan ken umili, kas iti ar-aramiden da iti Oplan Tokhang.

Malisyoso a maak-akusaran dagiti lehitimo a protesta ken panaglapan ti umili kas 'sug-sog dagiti Komunista' imbes a risuten dagiti isyu a gapuanan dagitoy a panaglapan. Maibilbilang dagiti progresibo nga organisasyon, alternatibo a midya, tattao ti simbaan, lider-masa ken man-gitantandudo iti karbengan tao kas kriminal. Iti kastoy a panangpadakes kadagiti naparang nga organisasyon ken timpuyog ti umili, ikunkondisyon ti rehimen ti panunot ti umili nga akseptaren ti panangakusar kadakuada kas terorista, panangkriminalisa, panangipila iti parbo a kaso iti korte, reyde kadagiti opisina dagiti progresibo nga organisasyon, nawaya a panangpatay ken pananglipit kadagiti aktibista, lider-masa ken dadduma a sektor kas iti media ken simbaan. Iti Ilocos, iharharas dagiti ahente ti intelligence dagiti padi ken pastor kadagiti mismo a simbaan ken parokya babaen iti inawagan da a visita iglesia. Idia Ifugao, ginandat dagiti militar a patayen ni Brandon Lee, maysa a volunteer ti Ifugao Peasant Movement.

Nadumaduma met a pampusuan ti panangisaknap kadagiti inuulbod, dakes ken malisyoso a propaganda ti isaysayangkat ti AFP-PNP babaen kadagiti pamiting, seminar, anti-drug forum, youth leadership seminar, sports fest, 'elders forum,' medical

mission, ken dadduma pay nga aktibidad. Kagiddan ti panangisayangkat ti PNP kadagiti "youth leadership seminar" kadagiti high school ken kolehiyo ti Mountain Province, Ilocos Sur, Kalinga, Ifugao ken dadduma pay a probinsya, inorganisa da ti Kabataan Kontra Droga at Terorismo (KKDAT) a mausar laban iti CPP-NPA ken dagiti progresibo nga organisasyon.



Idia Lagayan, Abra, kalpasan ti insayangkat ti 24th IB a "youth leadership seminar" pinamartsa da dagiti agtutubo kontra iti CPP-NPA ken pinagaramid da ida kadagiti sursurat laban iti NPA.

Ti kampanya kontra iti CPP, NPA ken dagiti progresibo nga organisasyon ket dumanon pay idia ballasiw-taaw. Nausar dagiti peke a lider-Lumad nga agkampanya laban iti rebolusyonaryo ken progresibo nga umili idia US. Indauloan met ti PCOO ti panangpadakes kadagiti progresibo nga organisasyon idia Europe.

#### 6) Localized peace talks

Malisyoso nga iyaw-awis ti OPAPP ken AFP-PNP ti palso, manangallilaw ken manangudua a lokalizado a tungtongan iti kappia kas paset ti kampanya iti panagpasunder. Ngem natibker ti takder ti CPP, NPA ken NDFP a sumrek laeng iti maysa a nailian a tungtongan iti kappia, saan ketdi iti maysa a lokalizado a tungtongan. Gapu ditoy, da-

giti paramilitar ken vigilante a grupo met laeng nga iggem ti AFP-PNP ti masansan nga iparparang da a kasarita. Iti Cordillera, uray no nabayagen a simmuko ken na-integrate ti Cordillera People's Liberation Army (CPLA) iti AFP, us-usaren latta ti rehimen daytoy a grupo tapno ipamarang nga adda nagun-odan da a tungtongan kadagiti 'rebelde.' Binukel da ti grupo a KA-BODONG a nakapaunegan ti CPLA-Cordillera Bodong Administration (CBAd), AFP ken PNP nga idadauloan ti kumander ti 5th ID a ni Major General Pablo Lorenzo, isunga iti aktwal ket isu-isuda met laeng ti agtutungtong. Usaren da laeng daytoy tapno kurakoten ti pondo ti OPAPP.

Nalawag ti panggep ti CPP, NPA ken NDFP iti panagserrek iti tungtongan iti kappia nga irupir a maikkan solusyon ti ramut ti kinarigat ken pannakagungundaway ti umili nga isu ti lalaunen ti gyera sibil iti Pilipinas. Ngem para iti reaksyunaryo a gubyrno, usaren da ti tungtongan iti kappia tapno pasukuen ti rebolusyonaryo a tignayan, saan a tapno ikkan ti solusyon ti kinarigat ti biag ti naruang nga umili a Pilipino.

#### **c. Intelligence operations nga agserserbi para iti combat ken CMO-psywar**

Ti intel operations ti kabusor ket kangrunaan nga agserserbi para iti panangirussuat ti precision strike operations laban kadagiti yunit ti NPA ken panangkontrol iti umili. Babaen iti trabaho a paniktik a matudo da no ania dagiti mapokusanan a lugar kadagiti combat ken CMO-psywar operations. Kasta met a



maitudo no sino dagiti target ti nyutralisasyon babaen iti conversion, pamutbuteng, harassment inggana iti panangpatay. Paset iti trabaho dagiti maipakpakat a Retooled Community Support Program Team (RCSPT) operations kadagiti komunidad ti panagkalap ti impormasyon paniktik ken panangburak kadagiti naitakder a rebolusyonaryo nga organisasyon, Sangay ti Partido iti Lokalidad (SPL) ken milisyang bayan (MB) kadagiti baryo.

Panggep met ti intel operations ti panangbutbuteng kadagiti kapamilya ken kabagian dagiti kameng ti NPA, ken agpataud ti gulo ken riribuk iti uneg dagiti ili.

Kangrunaan a pamuspusan dagiti ahente a paniktik ti militar ken pulis ti panangbukel iti lambat dagiti

## **PONDO A PARA KANO ITI KAPPIA PAGKUARTAAN, PAGGANANSYAAN**

Sumagmamano a naibutaktak a pamuspusan dagiti nangatngato nga opisyal ti militar ken pulis tapno makakurakot iti P21 bilyon a badyet ti Office of the Presidential Adviser on the Peace Process (OPAPP) a para iti localized peace talks ken kampanya a pasurender:

1. Panangted ti kickback kadagiti lokal nga opisyal tapno ideklara ti NPA kas persona non grata iti saklaw da;
2. Panagpartuat kadagiti peke a surenderi tapno maala ti kuarta a gunguna ken integration money;
3. Panangapoyntar kadagiti paramilitar a kas iti Alamara ken New Indigenous People's Army kadagiti lokal a konseho a mangmangted ti permit kadagiti kumpanya iti mining ken logging kasta met kadagiti multinasyunal a kumpanya iti agribusiness a manggamgam iti ansestral a daga;
4. Renegotiation ti dakdakkal a gatad ti settlement kadagiti datin a nagsurender ken mabaybayadan a Rebolusyonaryong Partidong Manggagawa ng Pilipinas/Revolutionary Proletarian Army/Alex Boncayao Brigade-Tabara Paduano Group (RPM-P/RPA/ABB-TPG) iti baro a katulagan a naawagan kas Clarificatory Implementing Document.

mabaybayadan nga asset ken informer nga agserbi kas mata ken lapayag da iti uneg dagiti baryo. Nairut met laeng ti oryentasyon kadagiti CAFGU iti trabaho da a paniktik. Target met ti conversion dagiti lider ken kameng dagiti organisasyon masa tapno usaren kas sipsip laban iti dadduma pay nga aktibista a masa. Maus-usar ti abante a

teknolohiya para iti paniktik, kas kadagiti drones, night vision goggles, android phones ken dadduma pay.

Puersaen da met laeng dagiti surrenderee a dati a kameng ti NPA tapno usaren dagitoy kas espiya, pagalaan ti impormasyon, pagbalinen a guide kadagiti operasyon a pangkombat ken aramaten iti

## **Mapaay ti Oplan Kapanatagan**

Ti nakaro a krisis ti mala-pyudal ken malakolonyal a sistema nga mangibungbunga ti saan a maibturan a kinarigat ti biag ken ti maiyab-ablat a kinaranggas ken kinaawan-hustisya ti mangidurduron iti umili a lumaban. Uray ania ti aramiden ti AFP-PNP, saan a malapdan ti panagregta ken panagabante ti armado a panakidangadang iti intero a pagilian. Iti agdama a turay ti rehimen ni Duterte, naminanon a daras nga inyatras da ti deadline ti panangpamek kano iti NPA, pakakitaan a saan da a kabaelan a maipatungpal daytoy – maysa laeng nga ubbaw nga arapaap.

Amin a kontra-insurhensiya

a programa ket pinaay ti rebolusyonaryo a tignayan gapu ta kontra iti karbengan ken pagimbagan ti umili daytoy, nga isu met ti ilablaban ti CPP, NPA ken NDFP. Ti tibker a manglaban kadagiti atake ken panangraut ti rehimen ket agtaud iti panagkasapulan a baliwan ti agdama a rinuker a gimong. Aglaklak-am daytoy ti suporta ti lumawlaw nga intar ti umili a maidadanes ken magungundawayan. Ni Duterte ket ad-adda a maisinsina iti umili ken sangalubongan gapu kadagiti kontra-umili a patakaran ken programa nga ipatpatungpal na, kas iti Oplan Kapanatagan, gyera kontra-droga, TRAIN Law, Rice Trade



Liberalization ken dadduma pay a kontra umili a programa na.

Ti Oplan Kapanatagan ket nalawag nga agserserbi para kadagiti dadakkal a negosyo, apo't daga, kumpanya iti panagminas ken plantasyon, ken amo da nga imperyalismo a US ken China.


# Labanan ti Oplan Kapanatagan

Tulbek iti natibker ta panaglaban ken panangpaay iti Oplan Kapanatagan ti nairut a panagkaykaysa ti umili ken NPA. Nasken nga adalendaytoy nga Oplan ken ti silpo na iti panangprotektar iti interes ti imperyalismo ken paspasurot na nga agturturay a dasig. Kasapulan a tuloy-tuloy a riingen ti kinaregta ti umili nga agtignay laban iti pasismo ken para iti panangirupir kadagiti kasapulan, serbisyo ken karbengan.

Tapno tuloy-tuloy a malabanan ti Oplan Kapanatagan, maipanawagan dagiti sumaganad:

**1** Isayangkat ti naregta a tignay masa iti intero a rehiyon. Ipangato ti panagkaykaysa ken militansya para iti panangiyabante kadagiti kampanya para iti pudno a reporma iti daga, pagimbagan ti mannalon, panangsalaknib iti daga, pagbiagan ken karbengan kontra iti militarisasyon. Nairut a petpetan ti panangiyabante ti agraryo a rebolusyon kas kangrunaan a lalaunen ti Demokratiko a Rebolusyon ti Umili ken kasungbat iti magungundawayan ken maidadan a kasasaad ti mannalon.

**2** Singiren a maipaay dagiti kasapulan ken serbisyo a panggimong kas iti tulong para iti kalamidad, libre nga irigasyon, eskuelaan, naan-anay a manursuro, salun-at ken dadduma a pasilidad kas iti rangtay, kalsada, water works imbes nga ibulsa dagiti kurakot nga opisyal.



**3** Tuloy-tuloy nga ilaban ti karbengan tao, ibutaktak ken suppiaten ti militarisasyon ken dagiti abuso ti militar. Nasken nga adalen dagiti basaran a karbengan tao a nailanad iti Komprehensibo a Katulagan para iti Panangrespeto iti Karbengan Tao ken Sangalubongan a Makatao a Linteg (CARHRIHL), Universal Declaration of Human Rights ken Protocol 1 & 2 ti Geneva Conventions, ken dadduma pay.

**4** Ibutaktak ken suppiaten ti panangusar ti kabusor iti nainsigudan nga ugali ken tradisyon kontra iti umili ken rebolusyonaryo a tignayan.

**5** Labanan ti pamutbuteng ken pananglipit ti kabusor tapno puerseen ti umili nga agsurender. Agkaykaysa nga irupir ti karbengan kas sibilyan, isunga awan ti rason tapno agpa-clear wenno agsurender. Saan a palubosan a buraken ti kabusor ti panagkaykaysa ti umili ken labanan dagiti panang-intriga,

pananggulo ken pammadakes nga ar-aramiden ti militar ken pulis.

**6** Isayangkat dagiti kampanya nga edukasyon tapno maadal daytoy a primer iti Oplan Kapanatagan; dagiti kurso maipapan iti gimong ken rebolusyon a Pilipino; Espesyal a Kurso para iti mannalon, kababaihan, kabataan ken nailian a minorya; Programa ti Demokratiko a Rebolusyon ti Umili, dagiti praymer ken kurso maipanggep iti gubat ti umili, linaon ti burador a Komprehensibo a Katulagan para iti Sosyo-Ekonomiko a Reporma wenno CASER nga isu koma ti sumaruno a launen ti tungtongan iti kappia, ken dadduma pay nga innadal tapno naun-uneg a maawatan no ania ti ramut ti armado a labanan iti baet ti reaksyunaryo a guberno ken rebolusyonaryo a tignayan.

**7** Agpursige iti armado a pannakidangadang, papigsaen ti NPA. ✎